

রেজিস্টার্ড নং ডি এ-১

বাংলাদেশ



গেজেট

অতিরিক্ত সংখ্যা
কর্তৃপক্ষ কর্তৃক প্রকাশিত

রবিবার, জুলাই ২০, ২০১৪

গণপ্রজাতন্ত্রী বাংলাদেশ সরকার

মন্ত্রিপরিষদ বিভাগ

প্রজ্ঞাপন

ঢাকা, ০২ শ্রাবণ ১৪২১/১৭ জুলাই ২০১৪

নং ০৪.০০.০০০০.৪২১.৬২.০২২.১৩-২৫৯—সম্প্রতি ফিলিস্তিনের গাজা উপত্যকায় ইসরাইল ফিলিস্তিনীদের ওপর নির্বিচারে বোমা বর্ষণের মাধ্যমে নারী ও শিশুসহ বেসামরিক জনগোষ্ঠীর ওপর হামলা চালাচ্ছে। এ হামলায় এ পর্যন্ত প্রায় ২০০ ফিলিস্তিনি নিহত হয়েছে এবং তাদের সম্পত্তির ব্যাপক ক্ষতি সাধিত হয়েছে। এ মর্মান্তিক ঘটনা মানবাধিকার লঙ্ঘনের নিকৃষ্ট উদাহরণ। বিশেষত, পবিত্র রমজান মাসে এরূপ ধ্বংসযজ্ঞ সংঘটন অত্যন্ত দুঃখজনক। ফিলিস্তিনের জনগণ ও সম্পদের ওপর এ ধরনের অমানবিক হামলা আন্তর্জাতিক শান্তি ও স্থিতিশীলতার প্রতি হুমকিস্বরূপ।

- ২। ফিলিস্তিনীদের ন্যায়সঙ্গত দাবির প্রতি বাংলাদেশের পূর্ণ সমর্থন রয়েছে। বাংলাদেশের সরকার ও জনগণ সর্বদাই ফিলিস্তিনি সরকার ও জনগণের পাশে থাকবে।
- ৩। ফিলিস্তিনের নিরীহ জনগণের ওপর ইসরাইলের হামলার জন্য গভীর উদ্বেগ প্রকাশ ও ইসরাইলি আত্মসানের বিরুদ্ধে তীব্র নিন্দা জ্ঞাপন করে এবং অনতিবিলম্বে এ হামলা বন্ধের লক্ষ্যে ইসরাইলের ওপর চাপ সৃষ্টির জন্য আন্তর্জাতিক সম্প্রদায়ের প্রতি আহ্বান জানিয়ে মন্ত্রিসভার ৩০ আষাঢ় ১৪২১/১৪ জুলাই ২০১৪ তারিখের বৈঠকে একটি প্রস্তাব গৃহীত হয়েছে।
- ৪। মন্ত্রিসভার ৩০ আষাঢ় ১৪২১/১৪ জুলাই ২০১৪ তারিখের বৈঠকে গৃহীত নিন্দা প্রস্তাব সকলের জ্ঞাতার্থে প্রকাশ করা যাচ্ছে।

রাষ্ট্রপতির আদেশক্রমে

মোহাম্মদ মোশাররাফ হোসাইন ভূইঞা
মন্ত্রিপরিষদ সচিব।

(১৬৩৪৭)

মূল্য : টাকা ৪.০০

মন্ত্রিসভার নিন্দা প্রস্তাব

ঢাকা: ৩০ আষাঢ় ১৪২১
১৪ জুলাই ২০১৪

সম্প্রতি ফিলিস্তিনের গাজা উপত্যকায় ইসরাইল ফিলিস্তিনীদের ওপর নির্বিচারে বোমা বর্ষণের মাধ্যমে নারী ও শিশুসহ বেসামরিক জনগোষ্ঠীর ওপর হামলা চালাচ্ছে। এ হামলায় এ পর্যন্ত প্রায় ২০০ ফিলিস্তিনি নিহত হয়েছে এবং তাদের সম্পত্তির ব্যাপক ক্ষতি সাধিত হয়েছে। এ মর্মান্তিক ঘটনা মানবাধিকার লঙ্ঘনের নিকৃষ্ট উদাহরণ। বিশেষত, পবিত্র রমজান মাসে এরূপ ধ্বংসযজ্ঞ সংঘটন অত্যন্ত দুঃখজনক। ফিলিস্তিনের জনগণ ও সম্পদের ওপর এ ধরনের অমানবিক হামলা আন্তর্জাতিক শান্তি ও স্থিতিশীলতার প্রতি হুমকিস্বরূপ।

ফিলিস্তিনীদের ন্যায়সঙ্গত দাবির প্রতি বাংলাদেশের পূর্ণ সমর্থন রয়েছে। বাংলাদেশের সরকার ও জনগণ সর্বদাই ফিলিস্তিনি সরকার ও জনগণের পাশে থাকবে।

ফিলিস্তিনের নিরীহ জনগণের ওপর ইসরাইলের হামলার জন্য মন্ত্রিসভা গভীর উদ্বেগ প্রকাশ করে ইসরাইলি আত্মসনের বিরুদ্ধে তীব্র নিন্দা জ্ঞাপন করছে এবং অনতিবিলম্বে এ হামলা বন্ধের জন্য ইসরাইলের ওপর চাপ সৃষ্টির জন্য আন্তর্জাতিক সম্প্রদায়ের প্রতি আহ্বান জানাচ্ছে।